



古今名醫類案

第十卷

背癱疽瘡	癱疽	脊癱疽瘡	癱疽
腦頂疽	多骨疽	腦頂疽	癰瘡
鬚疽	附骨疽	鬚疽	肺癰
胃癰	腸癰	胃癰	懸癰
便癰	下疳瘡	便癰	三有癰
乳癰	股癰	乳癰	囊癰
腰疽	膝癰	腰疽	腿癰
腳跟瘡	鶴膝風	腳跟瘡	痛
顛撲損傷	死枕愈症	顛撲損傷	微瘡色
尸蹇附臍驗		尸蹇附臍驗	

特別  
79  
517  
10



冊 517  
卷 10



名醫類案卷之十

明新都篁南江權集

長子應元校正

次子應宿述補

背癰疽瘡

宋戶部尚書沈誥為仁厚一兵卒患背疽乞假親為合藥治之時旱蝗當致齋園止猶下寧料理藥內用酒恐市酤不中用自取酒入藥服之即愈其法用瓜蒌子一枚乳香沒藥各一錢甘草三錢用醇酒九盞臨服嚼沒藥一塊飲此酒極妙韋航紀談

羅謙甫治一人年踰六旬冬至後數日疽發背五七日腫

勢約七寸許痛甚瘍醫曰膿已成可開發矣病者恐不從三日醫曰不開恐生變症遂以燔針開之膿泄痛減以開遲之故迨二日變症果生覺重如負石熱如熾火痛楚倍常六脉沈數按之有力此膏梁積熱之變也邪氣酷熱固宜以寒藥治之時月嚴寒復有用寒遠寒之戒乃思內經云有假者反之雖違其時從證可也急作清涼飲子加黃連秤一兩五錢作一服服之利下兩行痛減七分翌日復進前藥其證悉除月餘平復

京師人司仲父患背瘡若負火炭晝夜呼叫司仲泣於途遇道人曰子何憂之深也子當求不耕之地遇野人糞爲虫鳥所踐卽以杖去其糞取其下土篩而付之乃如

其言用之立愈父曰豈以冰著吾背耶吾五藏俱寒矣房州虞候張進本北方人因送郡守還逢道人飲之酒得其治癰疽方文錄曹子病背瘡醫不能療聞進有此方索之進元無手訣但以成藥付之旬日而愈一兒五歲鬢邊生瘡繼又發于腦後症候可憂亦以付進凡所用皆一種不過三夕三患皆平其方但擇阿膠透徹者一兩水半升煎令消然後入親丹一兩慢火再熬數數攪勻挨三五沸乃取出攤令極冷貯磁餅中用時以毛掃布瘡四面而露其口如瘡未成則遍塗腫處良久自消切勿犯手更無他法一切惡瘡皆可付不特癰疽也虞事侍郎昔中發小瘡不悟只以藥調補數日不瘳不痒

又不滋蔓疑之呼外醫灸二百壯已無及此公平生不服藥一年來唯覺時時手脚心熱疾作不早治又誤服補藥何可久也蓋發昔無補法諺云昔無好瘡但發于正中者為真發昔泊宅編本年三月

揚州名醫楊吉老其術甚著有一士人狀若有疾厭厭不聊莫能名其為何苦往謁之楊曰君熱症已極氣血消鑠且盡自此三年當以疽死不可為也士人不樂而退聞茅山觀中一道士醫術通神但不肯以技自名未必為人致力士人心計交切乃衣童僕之衣詣山拜之願執役左右道士喜留賓弟子中誨以誦經日夕祇事順旨如意經兩月餘覺其與常隸別呼却所從來始再拜

謝過以實告之道士笑曰世豈有醫不得的病當為子脉之又笑曰汝便可下山吾亦無藥與汝但日日買好梨啖一顆如生梨已盡則取乾者泡湯飲之仍食其滓此疾自當平士人歸謹如其戒經一歲復往揚州揚醫見之驚其顏貌腴澤脉息和平謂之曰君必遇異人不然何以至此士人以告楊立具衣冠焚香望茅山設拜蓋自咎其術之未至也類編

程明佑治槐克胡姬年六十疽發背大如孟頭如蜂窠嘔逆咽不下瘍醫藥之毒雖殺而胃寒泄程曰病必分陰陽虛實胃傷於寒令人嘔逆溫補則榮衛充而氣血周貫則毒隨膿出而肌肉漸生依方投藥四五劑咽遂下

嘔止已癰潰體漸平

陳斗崑治王主政福建人臂患一癰痛甚發咳逆十餘日  
水谷不下脉伏如絕醫皆不治陳視之曰此寒涼過甚  
中氣下陷以四珍加薑桂三進而病如失癰亦漸愈  
丹溪治一人背癰徑尺穴深而黑急作參芪歸木膏飲之  
三日略以艾苧湯洗之氣息奄奄然可飲食每日作多  
肉餽飽大碗與之盡藥膏五斤餽飽三十碗瘡漸合肉  
與餽飽補氣之有益者也

一老人背發疽徑尺已與五香十宣散數十貼嘔逆不睡  
素有淋痛急以參芪歸木膏以牛膝湯入竹瀝飲之淋  
止思食盡藥四斤膿自湧出而愈

一人發背癰疽得內托十宣多矣見膿嘔逆發熱又用嘉  
禾散加丁香時天熱脉洪數有力此潰瘍尤所忌然形  
氣實只與參膏竹瀝飲之盡藥十五六斤竹百餘竿而  
安後不戒口味夏月醉坐水池中經年餘左脇旁生軟  
塊二年後成疽自見脉症嘔逆如前仍服參膏等而安  
若與十宣其能然乎

一人形實色黑背生紅腫近胛骨下痛甚脉浮數而洪緊  
正冬月與麻黃桂枝湯加酒栝生附子瓜蒌子甘草人  
參羌活青皮黃芪半夏生薑六貼而消  
一婦因得子遲服神效寶丹背生癰甚危脉散大而瀉  
急以加減四物湯百餘貼補其陰血幸其質厚易于收

救

一男子年五十餘形實色黑背生紅腫及脾骨下痛其脉浮數而洪緊食亦嘔正冬月與麻黃桂枝湯加酒黃柏生附瓜蒌子甘草節羌活青皮人參黃芩半夏生薑六貼而消此亦內托之法也

周評事觀患背癰瘡口久不合召瘍醫徐廷禮療治恒以托裏十宣二散與服不效徐謂周曰更請盛用美來共事料理則可否則吾技窮矣既而盛至按脉用藥率與徐類但多加人參五錢附子稍行功耳服後兩足俱煖自下而上謂其子曰今之藥何神哉頓覺神爽快服之旬日而宿口平復俞子容曰國初吾吳中老醫多見其

用附子往往治病如庖丁解牛近醫者多棄而不用何耶續醫說

一人患發背腸胃可窺百藥不差一醫教以楸葉膏付其外又用雲母膏作小丸子服盡四兩不累日雲母透出層外與楸葉膏相粘著瘡口遂平功亦奇矣其方立秋日太陽未升之時採楸葉熬為膏付瘡瘍一切惡瘡腫毒立愈謂之楸葉膏云葛常之韻語陽秋

南史曰薛伯宗善徒癰公孫太患發背伯宗為氣封之徒置齋前柳樹上明日而癰消樹邊倏起一瘡如拳大稍稍長一十餘日瘡大膿潰爛出黃赤汁并餘樹為之瘻損

一方士嘗貨藥淮西值兵變竄入深山遇老姥年二百許  
 歲自謂金士避兵來此元完顏氏之醫姥也傳以背瘡  
 方用鮮射干一味每用三錢研細溫酒調服乾者為末  
 每服一小錢許酒下在上即微吐在下即微利功效如  
 神仍用膏藥收口又傳壽星散治惡瘡痛不當者搽之  
 不痛不痛者知痛大天南星一味為末養生主論

古朴翁治一人患背癰有醫者已為驅熱拔毒痛腫已熾  
 告技窮翁診之曰此易易耳無用藥也遂煎醋一碗入  
 鹽少許以紙數重漬翳腫上再以銅斗盛火熨之不數  
 易而病如失

汪石山治一老人患背癰請汪診視脈洪緩而濡腫如

碗皮肉不變按之不甚痛微發寒熱乃語之曰若在體  
 脾經絡交錯皮薄骨高之處則難矣今腫去胛骨下掌  
 許乃太陽經分尚可治遂用黃芪五錢當歸羌活甘草  
 節各一錢先令以被蓋煖藥熟熱服令微汗寢熱腫消  
 一暈五服遂安

薛已治進士張德弘背疽微腫微赤飲食少思用托裏藥  
 膿成而潰再用大補湯之類肉生而斂忽寒熱作嘔患  
 勢復腫其脉浮大按之若無形氣殊倦薛謂之曰此胃  
 氣虛薄非瘡毒也彼云侵晨登廁觸穢始作仍用補藥  
 而斂

一人本背患疽年餘瘡口甚小色黯陷下形氣怯弱脉浮

緩而瀉此氣血虛寒也用十全大補加附子少許數劑而元氣漸復却去附子又三十餘劑全愈

一婦年五十餘四月初背當心生疽如粟大二三日漸大根盤五寸許不腫痛不寒熱薛診其脉微而沈曰脉病而形不病者忌也實則痛虛則痒陰症陽症之所由分也不發不治潰而不斂亦不治乃與大補陽氣之劑色白而黯瘡勢如故至十二日薛復診其脉沈瘡勢不起神疲食减小便淋瀝乃與大補氣血加薑桂一劑瘡亦不起十五日因怒嘔瀉並治復大補藥一劑瘡仍不起薛留藥二劑而去病者昏憤不服或勸之省悟依方連進七劑十六日瘡起而潰色紅而淡膿亦如之十九日薛

至喜曰瘡已踰險處但元氣消鑠尚可憂連與大補二十餘劑五月十一日病者因勞自汗口乾舌強太陽髮際腦頂俱脹復延薛至診之曰此氣血俱虛肝膽火上炎用補中益氣湯加山桅芍藥頓愈但內熱少睡手足發熱不時霍熱用逍遙散加山桅熱退復用歸脾湯瘡乃愈計瘡發及斂四十二日

內翰楊景湖孟夏患背疽服剋伐之劑兼旬漫腫堅硬重如負石隔蒜灸五十餘壯背遂輕快乃以六君子加砂仁二劑涎沫漸出飲食愈少此脾虛陽氣脫陷又用溫補及嘔不食仍用藥作大劑加附子薑桂又不應遂以參芪各一斤歸朮陳皮各半斤附子一兩煎膏服三日



而盡流涎頓止傷肉頓潰飲食頓進再用薑桂等藥托裏健脾胃腐脫而瘡愈

一儒者顧有年幾六旬仲冬昔疽初起入房患劇黑死五寸許黯暈尺餘漫腫堅硬背如負石發熱作渴小便頻數兩耳重聽揚手露體神思昏憤脉沉而細右手為甚便秘二十七日計進飲食百餘碗腹內如常眾欲通之薛曰所喜者此耳急用木劑六君子加薑附肉桂三劑瘡始煖痛自後空心用前藥午後以六味丸料加參芪歸木五劑復用活命飲二劑針出黑血甚多瘀膿少許背即輕軟仍用前藥便亦通利薛他往四日神思復昏瘡仍黑尚飲食不進皆以為殞薛以參芪歸木各下兩

炮附子五錢薑桂各二錢服之即索飲食并鴨子二枚自後日進前藥二劑肉腐膿潰而愈

少參史南湖之內夏患疽不起發脉大而無力發熱作渴自汗盜汗用參芪大補之劑益加手足逆冷大便不實喘促時嘔脉微細按之如無惟太衝不絕仍以參芪歸木茯苓陳皮計片許加附子五錢煎膏作二服諸症頓退脉息頓復翌日瘡起而潰前藥仍用四劑後日用托裏藥調理兩月而愈

操江都憲伍松月背瘡愈後大熱誤為實火用苦寒藥一鐘寒熱益甚欲冷水浴身脉浮大按之全無薛曰此陽氣虛浮在肌表無根之火也急用六君子加附子一劑即

愈

一男子背脊不斂，燉腫發熱，小便赤澀，口乾體倦，脈洪數而無力。用參芪歸朮熟地黃芎為陳皮麥冬五味炙草肉桂補元氣，引虛火歸經，脈症益甚。此藥力未能及也。再劑頓退，却去肉桂，又數劑而愈。此症因前失補元氣故耳。

憲副陳魯山年五旬，居官勤苦勞傷，元氣先口乾舌燥。後至丙午仲夏，背發疽，漫腫中央色黯，四畔微赤微痛，脈舉之浮大，按之微細。左寸短而右寸若無，十餘日腫未全起。薛曰：此屬病氣元氣虛寒，當捨時從症，朝用參芪薑桂歸朮陳皮半夏炙草溫補其陽，夕用加減八味丸。

滋其肝腎，各四劑而腐潰，但膿水清稀，盜汗自汗，內熱肺熱，脈浮而數。改用八珍湯，復發熱而夜陽舉。此腎虛而火妄動，仍用加減八味丸，料煎服而安。又因怒動肝火，瘡出鮮血，二盞許。左關弦數，右關弦弱。此肝木侮脾，肝不能藏血，脾不能統血也。用十全大補兼用前藥料，各二劑而血止。再用前藥調理而痊。

一人仲夏疽發，背黯腫，尺餘，皆有小頭如鋪黍狀，四日矣。此真氣虛而邪氣實也。外用隔蒜灸，內服活命飲二劑，其邪稍退，仍純補其氣。又將生肌散代茶飲，瘡邪大退。薛因他往，三日復視之，飲食不入，中央肉死，大便秘結，小便赤濁。曰：此間斷補藥之過也。蓋中央肉死，毒氣盛。

而脾氣虛大便不通胃氣虛而腸不能送小便赤濁脾  
土虛而火下陷治亦難矣急用六君加當歸柴胡升麻  
飲食漸進大便自通外用烏金膏塗中央三寸許四圍  
紅腫漸消中央黑腐漸去乃敷當歸膏用地黃丸料與  
前藥間服將百劑而愈

中翰鄭朝用背疽發熱吐痰飲食無味肌肉不生瘡出鮮  
血薛曰此脾氣虧損不能攝血歸源也法當補脾胃彼  
不信用消毒涼血加惡寒嘔吐始悟其言用六君加炮  
薑半夏茯苓數劑諸症悉退又合用十全大補瘡口漸  
斂後因飲食稍多泄瀉成痢此脾胃虛寒下陷用補中  
益氣送四神丸而痢止繼以六君子湯而瘡愈

御醫王介之之內年四十背疽不起泄瀉作嘔食少厥逆  
脈息如無屬陽氣虛寒用大補劑加附子薑桂而不應  
再加附子二劑瀉愈甚更以太附子一枚薑桂各三錢  
參芪歸朮各五錢作一劑腹內始熱嘔瀉乃止手足漸  
溫脈息遂復更用大補而潰托裏而斂十年後終患脾  
胃虛寒而歿

駁方主的糖背疽潰後小便淋瀝作渴引飲煩熱不寐瘡  
口嫩赤如灼時或小便自遺此腎虛之惡症用加減八  
味丸加麥冬五味數劑而痊

太守朱陽山患背疽漫腫色黯微痛作渴瘡頭數十左尺  
脈數按之有力此腎經之症先用活命飲二劑以殺其

毒干前以參芪歸朮之類壯胃氣午後以加減八味丸料固腎氣喜其未用敗毒之藥元氣未損故膿出肉腐而愈

駕部林汝玉冬不衣綿作渴飲冷每自喜壯實診其脈數大無力薛謂至火令當發毒不信三月間果背熱便秘脈澁用四物加芩連山梔數劑大便始和却去芩連加參朮茯苓二十餘劑及八味丸半斤許渴減六七背熱亦退至夜背發一疽純用托裏之劑而愈

封君袁懷雪背疽發熱作渴脈數無力用四物加黃柏知母玄參山梔連翹五味麥冬銀花脈症漸退又加白芷參芪腐肉悉潰因停藥且勞熱渴仍作乃與參芪歸朮

炙草山藥山萸茯苓澤瀉肉桂而安又以六味地黃丸及十全大補而斂

一男子背瘡出血煩燥作渴脈洪大按之如無此血脫發燥用當歸補血湯二劑又以八珍加黃芪山梔不數劑而愈

一婦人背瘡愈後吐鮮血三碗許薛用獨參湯而血止用四君熟地芎歸瘡愈此血脫之症當補其氣使陽生陰長若用降火涼血沈陰之劑則脾胃生氣復傷不惟血不歸源而死無疑矣

都憲周弓崗在南京刷卷時背患疽腫而不潰脈大而浮此陽氣虛弱邪氣壅滯用托裏消毒散潰而色欠紅活

此氣血俱虛也。用托裏散倍用參芪，反內熱，作渴，脈洪大。鼓指用前散加肉桂，脈在頓退，仍用托裏而愈。若誤為熱毒而用寒涼，則誤矣。

太僕王的溥初起大勞，又用十宣散之類，加喘渴，內熱脈大無力。此陽氣自傷，不能升舉，下陷于陰分而為內熱。以補中益氣加酒炒芍藥、麥冬、五味治之而愈。

秋官高竹真患之，色黯堅硬，重如負石，神思昏憤，遂以蒜杵爛置瘡頭，以艾如錢大灸二十餘壯，竟不知。又以蒜隨攤點處，以艾鋪蒜上灸，亦不知。乃著肉灸良久，方知再灸方痛，內用太溫補劑而起。

止舍張克恭塗貼寒涼，及服敗毒之類，遍身作痛，欲嘔，少

食，嘔熱內熱，惡寒，憎寒，薛曰：遍身作痛，榮衛虛而不能營養肉理也。欲嘔，少食，脾胃虛寒而不能消化飲食也。內熱，嘔熱者，陰血內虛，陽氣下陷于血分也。惡寒，憎寒，陽氣外虛，不能護衛肌膚腠理也。皆脾胃之氣不足所致。治以補中益氣湯，諸症悉愈。更以十全大補湯，腐肉漸潰，又以六君芍歸肌肉頓生。

儒者周在書懷抱久鬱，昔患疽，宛然如一粟，有數頭如黍。五日矣，肝脈弦洪，脾脈浮大，按之微細，以補中益氣加桔梗、貝母，少用銀花、白芷，二劑肝脈頓退，脾脈頓復，腫起色淡，乃以活命飲二劑，膿潰腫消，肝脈仍弦，此毒雖去而胃氣復傷，仍用補中益氣加半夏、茯苓而愈。夫脈

縱有餘當認爲不足故先用前湯補脾解鬱怒則脾氣  
既充肝脉自退若不審其因遽用敗毒以伐肝非推無  
以去毒而反害之前湯所用銀花白芷非取其治瘡特  
解患者之疑耳

上舍蔡東之年踰五旬患背疽用托裏之藥而潰但瘡口  
少許久不收斂時值仲冬兼咳嗽不止薛曰瘡口未斂  
脾氣虛也咳嗽不止肺氣虛也蓋脾爲母肺爲子治法  
當補其母一日與蔡同會宴見其忌食羊肉因謂羊肉  
性與人參同功誤以爲毒可乎自是更不忌不旬日而  
瘡口斂嗽亦漸愈嗣後每歲至冬雖常膳亦不徹嗽亦  
不復發矣

顧色泉老醫年六十有五因盛怒疽發於背大如盂四圍  
色黑召瘍醫治之用冷藥敷貼敷已覺涼約日七八日  
後爲用刀去瘀肉顧俟其去曰四圍色黑乃血滯更加  
冷藥非其治也乃更治熱敷藥去舊藥敷之覺甚痒終  
夜明白色鮮紅掀腫亦消惟中起數十孔如蜂房一日  
許又覺惡心作噦視一人頭如兩人頭自診曰此虛極  
症也用參附大劑進二服視已正矣不數日竟愈  
一人患腫毒潰後不時出細骨用生桐油調蜜陀僧如  
膏綿攤貼妙

馬嗣明治楊令患背腫以練石塗之便差作練石法以麩  
黃石鵝鴨卵大猛火燒令赤內醇醋中自屑頻燒至石

盡取石屑曝乾擣下從和醋以塗腫上無不愈北齊書

山陰未詳余南橋治上虞葛通議公年九十餘患背疽初進仙

方活命飲穿山甲蛤粉炒黃甘草節防風真沒藥赤芍白芷

各六分當歸尾乳香各一錢貝母花粉皂刺各八分金銀花陳

皮各三錢作一服酒煎服繼服蠟礬九黃蠟熔化入細礬

末等分爲丸百沸湯下八十九次服忍冬丸金銀花晒

乾一斤同粉草二兩共爲細末無灰酒打糊爲丸酒下

八九十九日三服若以金銀花趁濕搗爛水酒各半熬

成膏丸前末尤效毒未潰以麥飯石膏圍之白麥飯石

二兩火煨米醋淬白斂二兩鹿角灰四兩三味各研極

細末用經年米醋入砂鍋內調勻如稀醬文武火熬以

槐枝不住手攪起魚眼泡取出入木磁餅封固勿使塵

垢頓并水中一晝夜先將猪蹄湯洗淨雄猪後蹄約二

斤半不用鹽并花水瓦礮煨爛其肉取出着鹽少許與

病者下飯其湯吹去油以鵝翎蘸湯洗患處以紙子塗

麥飯石膏但有紅暈處盡塗遍毒既盡以神異膏貼之

玄參五錢不見鐵黃芪三兩杏仁皮尖全蛇脫五錢鹽水男

亂髮五錢洗淨焙乾露蜂房一兩有蜂多者黃丹五六兩水真蒜油一

斤同亂髮入銅銚中文武火熬候髮熔盡以杏仁投入

候黑色用布瀝去渣再後入玄參黃芪慢火熬一二時

取出稍冷旋入露蜂房蛇脫將槐枝急攪却移火上慢

火熬至紫黃色用布瀝去復入銚乘冷投黃丹急攪片

時又移火上熬候油變色滴水成珠無熬少時候將冷  
傾入水中三四遍其火毒取出置器內封收待用前藥  
品皆臨時製備効亦隨手而應膿乾肉長百日奏功其  
孫太守葛煨刻而傳布名曰廣仁編

餘姚史嗣元祖母年六十餘三月背心偏右四五分生一  
核如栗大一白頭僅如粟豆初不為異但痒其令婢  
磨擦數日白頭內出膿少許痒如故自日滿背癢腫週  
迴潤尺許日夜呻吟背若負石米非壯婦莫能扶起迎  
外科馬醫視之云毒已成非藥所能必開刀乃可舉家  
猶豫不忍馬曰譬之救焚火在屋下必穴其頂否則不  
盡不止若復一日必內潰不可為矣不得已從其說馬

舉刀用麻扎露刃止四分曰外科不得已用刀針唯背  
上不宜針緣肉薄破其膏肓即死矣刀亦不敢深用但  
破其腐肉舉家懼甚馬舉刀縱橫審視各寸許去腐肉  
若雞卵大膿血迸流隨以米醋煎滾用羊毛筆蘸洗之  
人人惶懼不忍視而病者稱快且云背上輕若干矣馬  
云毒勢正甚瘡口當即合合則不可再破即用桃枝竹  
以瓦鑱去其上青皮取次層竹衣揉擦若軟綿以香油  
潤濕塞在瘡口朝夕一易之易時仍以滾醋洗有腐肉  
黑色者用竹枝摘起剪去乃日服十全大補之劑  
又十餘日方見長肉嗣元年十四日侍湯藥頗得其詳  
因述其顛末以仁後世恐畏懼刀針而坐視其斃也



武昌張啓明述其父治江西商人背左偏中瘡起根紅腫頭白點痒甚張取蕪艾隔蒜灸三七壯愈而不發此上策也

楚夢山沈君回楚有謝張醫文略曰予疽發於背初如粟漸如盤先生至以忍冬草三飲之調劑活命有散護心有丸既潰洗有法予獲更生實先生賜也與前余南橋治法同

揮使郭君為人魁肥右背疽發腐潰遍體張用刀割四圍忽敗肉塊下如拳既愈明年左背再發亦張活之表姓者軀肥胖疽發於背止紅暈遍背硬腫無白黍米點肉緊皮厚若負巨石然張云陽中陰症不可藥不得已

用大針寸許入皮有聲不知痛竟不起

按素問云癰疽不得頃時回言不得治法則頃刻殞命也然癰疽之名雖多而要不出陰陽二證而已發於陽者為癰為熱為實發於陰者為疽為冷為虛故陽發則皮薄色赤腫高多有椒眼而痛陰發則皮厚色淡腫硬狀如牛皮而不痛又有陽中之陰似熱而非熱雖腫而實虛若赤而不燥欲痛而無膿既浮而復消外感而內腐陰中之陽似冷而非冷不腫而實微赤而燥有腫而痛外雖不盛而內實煩悶陽中之陰其人多肥肉緊而內虛陰中之陽其人多瘦肉緩而內實而又有陽變為陰者涼劑之過也陰變為陽

者熱藥之驟也然陽變陰者其證多猶可返於陽故  
多生陰變而陽者其證少不復能為陽矣故多死然  
間有生者必得明醫調治合法百中得一耳癰疽有  
寒熱虛實皆由氣鬱而成當委之明醫量人虛實察  
病冷熱推其因究其原而後治之則內外相應而無  
失誤矣

濮陽傳云凡患腫毒無名者用長青草酒煎服以查貼患  
處屢驗其草四季長青似菘菜葉一名雪裏青一名荔  
枝草

濮陽傳云有一人患對口瘡甚急遇方士取鵝子初出時  
收黃不盡死在殼內者用新瓦焙乾為末以好酒調服

愈

癰疽

齊王侍醫遂病自煉五石服之臣意往過之遂請意曰不  
肖有病幸診遂也臣意即診之告曰公病中熱論曰中  
熱不洩者不可服五石石之為物藥精悍公服之不得  
數洩亟勿服色將發癰遂曰扁鵲曰陰石以治陰病陽  
石以治陽病夫藥石者有陰陽水火之劑故中熱即為  
陰石柔劑治之中寒即為陽石剛劑治之意曰公所論  
遠矣扁鵲雖言若是然必審診起度量立規矩權衡  
合色脉表裏有餘不足順逆之法參其人動靜與息相  
應乃可以論論曰陽疾剋內陰形應外者不加悍藥及  
鑱石夫悍藥入中則邪氣僻矣而宛氣愈深診法曰二陰

應外一陽接內者不可以剛藥剛藥入則動陽陰病益  
衰陽病益著邪氣流行為重困于愈忿發為疽意告之  
後百餘日果為疽發乳上入缺盆死此謂論之大體也  
必有經紀拙工有一不習文理陰陽失矣 史記

齊侍御史成自言病頭痛臣意診其脉曰君之病惡不可  
言之即出獨告成弟曰此病疽也內發于腸胃之間後  
五日當癰腫後八日嘔膿死成之病得之飲酒且內成  
即如期死所以知成之病者臣意切其脉得肝氣肝氣  
濁而靜此內關之病也脉法曰脉長而弦不得代四時  
者其病主在于肝和則經主病也代則絡脉有過經主  
病和者其病得之筋髓裏其代絕而脉貴者病得之酒

且內所以知其後五日而癰腫八日嘔膿死者切其脉  
時少陽初代代者經病去過入人則去絡脉主病當  
其時少陽初關一分故中熱而膿未發也及五分則至  
少陽之界肝心相去五分及八日則嘔膿死故上二分  
而膿發至界而癰腫盡泄而死熱上則熏陽明爛流絡  
流絡動則脉結發脉結發則爛解故絡交熱氣已上行  
至頭而動故頭痛史記

唐李勣嘗疾醫診之云得鬚灰服之方止太宗遂自剪鬚  
燒灰賜服之復令符癰瘡立愈故白樂天云剪鬚燒灰  
賜功臣

仁宗皇帝賜呂夷簡古人有語鬚可治疾今朕剪鬚與卿

合藥表朕意也

一人淵疽之發于肋下又則一竅有聲如嬰兒啼灸陽陵  
泉二十七壯聲止而愈

向友正淳熙中為江陵支使攝公安令癰發于脅臆間極  
癢半歲弗愈嘗欲罷病甚委頓而卧似夢非夢見一丈  
夫微揖而坐傳藥方與之曰用沒藥瓜薑乳香三味酒  
煎服之且言桃源許診知縣亦有此方但不用瓜薑若  
用速効友正敬謝即如所戒不終劑而愈後詣玉泉禱  
兩膳壽亭開土像蓋所感夢者因繪事于家類編  
丹溪治一人性急味厚嘗服熱燥之藥左脇一點痛肘之  
輕弦重乳知其痛處有膿作內疽治與四物湯加桔梗

香附生薑煎十餘貼痛微微腫如指大令針之少時身而腫出與四物調理而安

薛已治一儒者患流注發熱作渴頭痛自汗脈洪數按之無力此氣血虛也用十全大補加麥冬五味治之益甚仍用前藥加附子一錢四劑諸症悉退却去附子加肉桂二十劑氣血漸復又因勞心發熱惡寒飲食減少此脾胃復傷元氣下陷用補中益氣加附子一錢二劑熱止食進仍用大補元氣而安後因考試不利懷抱不舒更兼勞後飲食日少形氣日衰吐痰作渴頭痛惡寒或熱或止仍用補中益氣數劑諸症漸愈元氣漸復乃去附子再加肉桂五分百餘劑而愈

東侍御左脇下近腹肝膽經部分結一塊四寸許漫腫不赤按之即痛薛曰此當補脾胃彼謂腫瘍宜表散乃服流氣飲胃氣頓虛七惡併臻薛乃用四君加芎歸酒炒芍藥薑桂治之胃氣平而惡症退乃去乾薑加黃芪數劑瘡赤微痛又三十餘劑膿成針之用補中益氣加減八味而愈蓋肝膽屬木因腎水虛弱不能滋生况肝膽之血原少豈可後行消散且腫瘍內外皆壅宜托裏表散為主蓋先于補氣而佐以行散非專攻之謂也

一男子元氣素弱臂腫硬色不變飲食少將年餘矣此氣虛而未能潰也先用六君為主加芎歸芍藥治之元氣漸復飲食漸進患處漸潰更加黃芪肉桂并日用葱熨

之法月餘膿熟針之以十全大補湯及附子餅炙之而愈

一男子脇腫一塊日久不潰按之微痛脈微而瀦此形症

俱虛當補不當瀉乃以人參養榮湯及艾炒熱熨患處

膿成以火針刺之更用豆豉餅十全大補湯百劑而愈

一婦人左臂患之年許不潰堅硬不痛肉色不變脈弱少

食月經過期日晡益熱勞怒則痛與參芪歸朮川芎芍

藥貝母遠志香附桔梗丹皮甘草百餘劑而消

一婦人因怒脇下腫痛脅膈不利脈沈滯用方脈流氣飲

數劑少愈以小柴胡對二陳加青皮桔梗貝母數劑頓

退更以小柴胡湯對四物湯二十餘劑而瘥

一婦人因閉胸肩患腫遍身痛遂以黑丸子二服而痛止

以方脈流氣飲二劑而腫消更以二陳對四物加香附

枳殼桔梗而全愈

汪石山治一同訓年近六十長瘦色蒼赴福建考試回病

背腿癱腫一腫愈一腫作小者如盞大者如鐘繼續不

已俗曰流注是也醫皆欲用十宣散五香湯托裏散汪

診之脈皆濡弱曰此非前藥所宜也夫以血氣既衰之

年冒暑遠涉熱瘴之地勞傷形熱傷氣矣經云邪之所

湊其氣必虛理宜滋補使氣運血行腫不作矣遂用大

補湯減桂倍加參芪歸朮佐以黃柏黃芩紅花服至二

三十貼視腫稍軟者用砭決去其膿未成者果皆消釋

本書取者之三章  
當作退也之三章

仍服二三十貼以防後患

江應宿治刑部正郎昆右容公肋下近腰軟處患癰腫外  
科用消毒藥既潰月餘瘡口不斂肌瘦神悴診得六脉  
緩弱無力乃用補中益氣人參加作三錢黃芪五錢時  
值七月少加黃柏以救腎水麥冬五味以滋養化源食  
進而瘡斂三十餘劑而痊

胎頂疽

東垣治一人因飲酒大過脉沈數腦之下頂之上有小瘡  
不痛不痒謂星白瘡慢不加省二日後覺微痛又二日  
腦項麻木腫勢外散熱毒熾發又三日痛大作一醫以  
五香連翹湯又一醫云此疽也然而不可速療煩四月  
可愈果如二子言可畏之甚也乃請東垣視之談笑如  
平時且謂瘡固惡保無慮耳且膏粱之變不當投五香  
疽已七八日當先用火攻之策然後用藥午後用火艾  
炷如二核許者攻之至百壯乃覺痛次為麪方云是足  
太陽膀胱之經其病逆當反治脉中得弦緊按之洪大  
而數且有力必當伏其所主而先其所因其始則同其

終則異可使破積可使貴堅使氣和則已必先歲氣毋  
伐天和以時言之可收不可汗經病禁下法當結者散  
之鹹以奠之然寒受邪而禁針以諸苦寒為君為用甘  
寒為佐酒熱為因用為使以辛溫和血夫辛以散結為  
臣三辛三甘益元氣而和血脈淡滲以燥濕扶持秋令  
以益氣瀉火以入本經之藥以和血且為引用既已通  
經以為主用君用芩連黃栢生地黃知母酒製之本經  
羌活獨活防風藁本防已當歸連翹以解結黃芪人參  
甘草配諸苦寒者三之一多則滋榮氣補土也生甘草  
瀉腎之火補下焦元氣入參陳皮以補胃蘇木當歸尾  
去惡血生地歸身補血酒製漢防已除膀胱留熱澤瀉

助秋去酒之濕熱必以桔梗為舟楫乃不下沈服後疽  
當不痛大折精氣大旺飲啖進形體健投床大創日出  
乃寤以手捫瘡腫減七八矣李疑瘡適透喉邊邀視之  
驚喜曰瘡平矣不五七日作痂而愈

東垣又曰凡瘡皆陰中之陽陽中之陰二證而已我治此  
瘡陽藥七分陰藥三分名曰升陽益胃散勝十宜也老  
人宜之亦名復煎散

陳錄判母年七十餘亦冬至後腦出疽形可甌面大瘍醫  
診視曰俟瘡熟以鍼出膿因怒笞待妾瘡輒內陷凹一  
韭葉許面色青黃不澤四肢逆冷汗出身清時復嘔吐  
脉極沈細而遲蓋緣衰老之年嚴寒之時病中苦楚飲



食淡薄已滌肥膿之氣獨存瘦瘁之形加之暴怒精神愈損故此有寒變也病與時同速製五香湯一劑加丁香附子各五錢劑盡瘍復大發隨症調治而愈內經曰凡治病必察其下謂察時下之宜也諸痛瘡瘍皆屬心火言其常也如瘡盛形羸邪高痛下始熱終寒此反常也固察當時下之宜而權治故曰經者常也法者用也醫者意也隨所宜而治之可收十全之功矣

石山治一人形肥色紫年逾五十頸項少陽之分癰腫如碗診之脉浮小而滑曰少陽多氣少血之經宜補若用尋常驅熱敗毒之藥癰潰之後難免他患遂煎參芪歸木膏一二斤用茶調服無時蓋茶能引至少陽故也旬

癰潰而起

丹溪治一婦年將七十形實性急而好酒腦生疽纒五日脉緊急且瀉用大黃酒煨細切酒拌炒為末又酒拌入參炒入薑煎調一錢重又兩時再與得睡而上半身汗睡覺病已失此內托之法也

一人患腦疽面自腫閉頭爛如斗此膀胱濕熱所致以黃連消毒散二劑次以槐花酒二碗頓退以指按腫即復起此膿成也于頸額肩頰各刺一孔膿並湧出口自始開更以托裏藥加金銀花連翹三十劑全愈

薛已治閣老翟石門子耳中作痛內服外敷皆寒涼敗毒更加項間堅硬肉色如故煖連于胃寒熱欲嘔飲食少

思薛視之腫雖堅而脈滑數此膿內潰也雖屬手三陽熱毒之症然其元氣已傷寒涼凝結不能外潰先用六君子湯補中益氣各二劑調補脾胃升發陽氣患處赤軟針出膿穢甚多仍服數劑而愈

一武職河南人年踰五十患腦疽內潰熱渴頭面腫脹如斗曾昔色嫩如塗丹煩熱便秘此表裏俱實時雖仲冬若非苦寒之劑內疎外泄不救遂針周項出膿及用清涼飲內加大黃五錢兼用消毒散而愈

一人腦患疽發熱口渴醫用苦寒藥膿水益多發熱益甚面自赤色唇舌燥烈小便淋痛晝夜不寐死在反掌請薛治之乃以加減八味丸料加參芪歸朮麥冬甘草煎

服之熱睡半日覺來諸症悉退不數劑而瘡愈薛曰病雖愈當固其本元彼不經意且不守禁次年患中風後患背疽而歿

錦衣葉夫人患腦疽口乾舌燥內服清熱外敷寒涼色黯不嫩胃中氣噎症屬陽氣虛寒彼疑素有痰火不受溫補薛以參芪各五錢薑桂各二錢一劑頓然腫潰又用大補藥而愈

一婦冬患腦腫痛熱渴用清熱消毒潰之而愈次年三月其舌腫大遍身發疔如紫葡萄不計其數手足尤多乃脾胃受毒各刺出黑血服奪命丹七粒出臭汗瘡熱益甚便秘二日與大黃芩連各三錢升麻白朮山梔薄荷

連翹各二錢生草一錢水煎三五沸服之大小便出血甚多下體稍退乃磨入犀角汁再服舌本及齒縫出臭血諸毒乃消更以犀角地黄丸而愈

一男子素善怒左項微腫漸大如升用地黃補中益氣而愈

多骨疽

薛已治一男子年將三十上脘腫硬年餘方潰半載未愈內熱作渴肢體消瘦用補中益氣六味地黃治之元氣漸復出骨一塊仍服前藥諸症悉去瘡口亦斂

一男子自十四歲因足腫痛服流氣飲外敷寒涼腐潰而至十六瘡口開張足背漫腫黯骨黑露出形體消瘦盜汗不止發熱口舌乾燥天真已喪用十全大補湯六味地黃丸各五十餘劑元氣漸復患處漸赤脫落骨一塊又各五十劑服愈

瘰癧

薛立齋治閣老楊石齋子年十七發熱作渴日晡頰赤脉數而虛用補陰八珍湯五十餘劑又加參芪歸木為主佐以熟地白芍麥冬五味膿水稠而肌肉生更服必效散一劑瘰癧毒去而斂

容臺張美之善怒患之時孟春或以為肝經有餘之症用尅伐之劑不愈薛以為肝血不足用六味地黃補中益氣以滋化源至季冬而愈此症果屬肝火風熱亦因肝血不足若主伐肝則脾土先傷木反尅土此症或延于脇腋或患于曾乳皆肝膽三焦之經也亦當以前法治之

一儒者缺盆間結一核薛謂此肝火血燥筋攣法當滋腎水生肝血彼反服行氣化痰外敷南星商陸之類漸如覆碗仍用前藥以滋化源間與蘆薈丸以清肝火年餘元氣復而腫消

一男子頸間結核大潰年餘不愈又一男子鬢間一核初如豆粒二年漸大如桃又一婦人左眉及髮際結核年餘矣皆與清肝火養肝血益元氣而並愈此症亦有天如并斗者治以前藥無不取效

一婦人瘰癧久不愈或以木疔之症用散腫潰堅湯伐之腫硬益甚薛以為肝經氣血虧損當滋化源用六味地黃丸補中益氣湯至春而愈此症若肝經風火暴病元

氣無虧宜用前湯若風木旺而自病宜用瀉青丸虛者  
用<sub>二</sub>地黃丸若水不能生木亦用此丸若金來尅木宜補  
脾土生腎水大凡風木之病壯脾土則木自不能尅矣  
若行伐肝則脾胃先傷而木反尅土矣

一婦患之恐不起致少寐年餘癰破膿水淋漓經水或五  
十日或兩月餘一至誤服通經丸展轉無寐午前惡寒  
午後發熱薛以為思慮虧損脾血用歸脾湯作丸午前  
以六君送下午後以逍遙送下兩月餘得寐半載後經  
行如期年餘瘡愈

一婦癰潰後發熱煩燥作渴脉大而虛以當歸補血湯六  
劑而寒熱退又以聖愈湯數劑而瘡更以八珍加貝母

遠志三十餘劑而斂

一婦人項結核寒熱頭痛脇乳脹痛內熱口苦小便頻數  
症屬肝火血虛用四物加柴胡山梔膽草而愈又用加  
味逍遙散而安

一婦癰瘰後遍身作痒脉大按而虛以十全大補加香附  
治之而愈大凡潰後午前痒作氣虛午後痒作血虛若  
作風症治之必死

一婦人項核腫痛察其氣血俱實先以必効散一服下之  
更以益氣養榮湯補之三十餘劑而消常治此症若必  
欲出膿但虛弱者先用前湯待其氣血稍充乃用必効  
散去其毒仍用補藥無不効未成膿者灸肘尖調經解

鬱及隔蒜灸多日稍有膿卽針之若氣血復而核不消  
却服散堅之劑月經不應氣血不損須用必効散其毒  
一下卽多服益氣養榮湯如不應亦灸肘尖如瘡口不  
斂者更用豆豉餅琥珀膏若氣血不虛或不慎飲食七  
情者不治然此症以氣血為主氣血壯實不用追蝕之  
劑亦能自腐但取去使易于收斂耳血虛而用追蝕不  
惟徒治適以取敗耳

江應宿治休寧吳氏子年十七患瘰癧三年矣瘍醫用爛  
藥刀破取瘡口甫平卽復腫累累如貫珠遍體瘡疥  
兩脇腫核如桃子診之微弦而數卽語之曰肝腎虛熱  
則生瘰矣當從本治內消以柴胡當歸連翹黃芩黃連

牛旁三稜桔梗花粉紅花十餘劑再與黃連海藻昆布  
乾葛石膏山梔龍膽連翹花粉爲丸以清其上更令空  
心服六味地黃丸以滋化源未盡一料瘰消瘡愈不復  
作矣

骨疽

薛立齋治待御朱南皋患骨疽腫痛發熱日晡尤甚此肝  
膽一經血虛火燥用四物加玄參柴胡桔梗炙草而愈  
又因勞後發熱畏寒作渴自汗用參芪歸朮炙草陳皮  
五味麥冬炮薑而差

州守胡廷器年七十有少妾患前症腫焮作痛頭目俱脹  
此腎水不足肝膽火盛血燥用六味丸料四劑瘡頭出  
水而愈二年後七情失宜飲食勞後仍腫痛煩熱喘渴  
脉洪大而虛用補中益氣以補脾胃用六味地黃以補  
腎肝而愈

附骨疽

東垣治一男子于左大腿邊近膝股內出附骨疽不辨肉  
色漫腫皮澤堅硬瘡勢甚大其左脚乃肝之髀上也更  
在足厥陰肝之經少侵足太陰脾經其脉左三部細而  
弦按之洪緩微有力用生地一分黃柏二分肉桂三分  
羌活五分歸稍八分土瓜根酒柴胡稍一錢連翹一錢  
三分黃芪一錢作一服酒一盞水二盞煎至一盞去滓  
空心熱服

一老人年七十因寒濕地氣得附骨癰于左腿外足少陽  
膽經之分微侵足陽明分闊六七寸長一小尺堅硬漫  
腫不變肉色皮澤深但行步作痛以指按至骨大痛與

藥一貼立止再白堅硬而腫消與內托黃芪酒煎湯愈  
湯見集成

孫彦和治一人年踰五旬季夏初患右臂膊腫盛上至肩  
下至手指色變皮膚涼六脉沈細而微此乃脉症俱寒  
瘍醫莫辨孫視之曰此乃附骨癰開發已遲以燔針啓  
之膿清稀解次日肘下再開之加吃逆不絕孫與丁香  
柿蒂散兩服稍緩次日吃逆尤甚自利臍腹冷痛腹滿  
飲食減少時發昏憤于左乳下黑盡更灸二七壯又更  
托裏溫中湯用乾薑附子木香沈香茴香羌活等藥吹  
咀一兩半欲與服或者曰諸痛痒瘡瘍皆屬心火又當  
盛暑之時用乾薑附子可乎孫曰法當如是內經白脉

細皮寒瀉利前後飲食不入此謂五虛况吃逆者胃中  
虛寒故也諸痛痒瘡瘍皆屬心火是言其常經也此症  
內外相反須當捨時從症非太方辛熱之劑急治之則  
不能愈遂投之諸症悉去飲食倍進瘡勢溫膿色正復  
用五香湯數劑月餘平復吁守常者衆人之見知變者  
智者之識知常而不知變奚以為醫

南同馬王荆山腿腫作痛寒熱發渴飲食如故脉洪數而  
有力此足三陽經濕熱壅滯用檳蘇敗毒散一劑而寒  
熱退再劑而腫痛消更用逍遙散而元氣復兩月後因  
怒腫痛如錐赤暈散漫用活命飲二劑而痛緩又用八  
珍加柴胡山桅丹皮而痛止復因勞後倦怠懶食腿重



頭暈此脾胃氣虛也。用補中益氣加蔓荊子而安。

一膏梁酒色之人患四白而入房兩臂硬腫二便不通腎開竅于二陰此屬肝腎虧損用六味丸料加車前牛膝而便利用補中益氣而腫硬消。

一上舍內痛如錐外色如故面黃體倦懶食或嘔痛傷胃也用六君湯以壯脾胃更以十全大補以助其膿針之用煎湯倍加參芪芎歸麥冬五味遠志貝母而瘡斂。

丹溪治一壯年散骨疼以風藥飲酒一年乃以防風通聖散去硝黃加生犀角浮萍與百餘劑成一疽近皮革膿出而愈後五六年其匙再痛朱曰舊病作無能為矣蓋發于新娶之後多得香辣肉味若能茹淡遠房勞猶可。

生也出膿血四五年沿及腰背皆空又三年而死此純乎病熱者。

一女髀樞穴生附骨疽在外側廉少陽之分始末悉用五香湯十宣散一日惡寒發熱膈滿猶大服五香湯一夕喘死此升散太多陰血已絕孤陽發越于上也。

一少年天寒極勞散骨痛兩月後生疽深入骨邊卧二年取剩骨而安此寒轉熱者也。

肺癰

丹溪治一少婦曾膈間潰一竅膿血與口中所咳相應而出以參芪當歸加退熱排膿等藥而愈一云此因肺癰所致

項彥章治一人病曾膈壅滿昏不知人項以杏仁薏苡之劑灌之立甦繼以升麻黃芪桔梗消其膿服之踰月瘳項所以知其病者以陽明脈浮滑陰脈不足也浮為風而滑為血聚始由風傷肺故結聚客于肺陰脈之不足則過于宣逐也諸氣本乎肺肺氣治則出入易苑陳除故行其肺氣而病自已

石山治一婦年近三十形色瘦白素時或咳嗽一二聲月

水或前或後夏月取涼遂咳甚不能伏枕者月餘嗽痰中或帶血或兼膿嗽急則吐食醫用苓連二陳不効復用參芪等補藥病重汪視左脈浮滑右脈稍弱而滑幼傷手蹠掌不能伸右脈似難憑矣乃以左脈驗之恐姪兼肺癰也遂以清肺泄肺之劑進之三服而能著枕痰不吐膿不咯惟時或惡阻汪曰此姪之常病也教用薏苡仁白朮茯苓麥冬黃芩阿膠煎服病減月餘復為診脈皆稍緩而浮曰熱已減矣但吐紅太多未免傷胃教用四君子加陳皮黃芩枳殼煎服調理姪至六月食鷄病作却鷄而愈至九月病又復作聲啞令服葶便獲安汪曰產後病除乃是佳兆病若復作非吾所知月足而

產脾胃病作加泄竟不救

一外科極要二卷儒者鼻塞流涕咳吐膿血胃膈作脹先用消風散亂髮

灰二服而鼻利又用四君芎歸及桔梗湯而愈後因赴

選勞後咳嗽吐膿小便滴瀝面色黃白此脾土不能生

肺金肺金不能生腎水用補中益氣六味地黃而愈

一日儒者素善飲咳痰頑強皮膚不澤此肺癰也蓋肺系于

項故項不能轉側肺氣虛弱故皮膚不澤先用桔梗湯

以治肺後用八珍補肺湯以補脾土生肺金而痊

一未詳男子吐膿血飲食少思胃腹脹脾肺心脉皆洪數此火

不能生土土不能生金用桔梗湯為主佐以補中益氣

而愈

一男子不時咳嗽作渴自汗發熱便數彼特知醫用清肺

降火理氣滲利之劑小便不通面目赤色唇裂痰壅肺

脾胃三脉浮大按之而數此足三陰虧損不能相生當

滋化源否則成癰彼不信仍用分利之劑後果患肺癰

始悟其言用桔梗湯及滋化源而愈

一男子面赤吐膿發熱作渴煩燥引飲脉洪數而無倫次

此腎火傷肝先用加減八味丸加麥冬大劑一鍾熱渴

頓止又睡覺而神爽索食再劑諸症又減六七仍用前

藥更以人參五錢麥冬二錢五分五味二錢水煎代茶

日飲一劑月餘而安此症面赤者當補脾腎面白者當

補脾肺故用此藥

江應宿治貢士汪賓篁患帶下赤白月餘逆予診視投藥  
 數劑而愈六脈洪數不減即告之曰公年高足三陰虛  
 損不能相生當滋化源否則恐生他病與六味地黃丸  
 加生脉散因循半月未及修製遂覺右乳傍牽痛面赤  
 吐痰腥臭脉洪大浮數按之無力予曰脉數不時見此  
 肺癰也次日吐膿血甚多投以桔梗湯加羚羊角未應  
 再與升麻湯十餘劑更以前丸滋其化源而愈

胃癰

胃脘癰

薛立齋治一膏梁之人寒熱作渴不時咳吐血腥又  
 五日吐膿血皮毛錯縱用射干湯四劑膿血已止但氣  
 壅痰多以甘桔湯二三劑而愈

一男子用射干湯之類作愈但氣喘體倦發熱作渴小便  
 頻數用補中益氣加山藥山茱萸麥冬五味時仲夏更  
 以生脉散代茶飲而愈

一老婦素味厚吐膿已愈但小便淋瀝用補中益氣加麥  
 冬五味及加減八味丸而愈膏梁之人初起清胃散亦  
 可用

江應宿治上舍汪中宇患喉腫不進飲食腹中不饑但日

飲清茶數盞召予視之診得氣口緊數此胃癰也濃已  
成宜引下行投以涼膈散稍稍利一二度次日吐膿血  
再服射干湯一劑即知餓索飲食六劑全愈

癰疽卷十

三十一

正氣血... 胃癰... 射干湯... 涼膈散... 餓索飲食... 全愈

腸癰

丹溪治一女子腹痛百方不治脉滑數時作熱腹微急曰  
痛病脉當沈細今滑數此腸癰也以雲母膏一兩九梧  
子大以牛皮膠溶入酒中并水下之餉時服盡下膿血  
愈

一婦以毒藥去胎後當臍右結塊塊痛甚則寒熱塊與臍  
高一寸痛不可按脉洪數謂曰此瘀血流溢于腸外育  
膜之間聚結為癰也遂用補氣血行結滯排膿之劑三  
日決一鋒針膿血大出內如糞狀者臭甚病婦恐因謂  
氣血生肌則內外之竅自合不旬日而愈  
附林婦病醫者脉之知其腸中有膿為下之即愈蓋寸口

癰疽卷十

三十一

脉滑而數滑則為實數則為熱滑則為榮數則為衛衛  
數下降榮滑上升榮衛相干血為濁敗小腹痞堅小便  
或澁或時汗出或復惡寒膿已成設脉遲緊聚為瘀血  
下之即愈

滄洲治郡守李母龐病小腹痛眾醫皆以為痲聚久藥不  
効出診循其少陰脉如刀刃之切手胞門訖而數知其  
陰中痛癰結小腸也告之曰太夫人病在幽隱不敢以  
聞幸出侍人語之乃出老嫗曰苦小腸癰以故臍下  
如痲聚今膿已成痛迫于玉泉當不得前後溲溲則痛  
甚嫗拜曰誠如公言遂用國老將軍為向導麒麟竭虎  
珀之類攻之膿自小便潰應手愈

虞恒德治一人得潮熱微似瘡似小腹右邊有一塊大如  
鷄卵作痛右脚不能伸縮一醫作臍脉氣治十餘日不  
驗虞診其脉左寸芤而帶瀋右寸芤而洪實兩尺兩關  
俱洪數曰此大小腸之間欲作癰耳幸膿未成猶可治  
與五香連翹湯加減與之間以蜈蚣灸黃酒調服之三  
日愈

儒醫李生治一富家婦有疾診之曰腸胃間有所苦耶婦  
曰腸中痛不可忍而大便從小便出醫皆謂古無此症  
不可治李曰試為籌之若服我之藥三日當瘳下小元  
子數十粒煎黃芪湯下之膿血數升而愈其家喜問  
治法李曰始切脉時覺亂脉見于陽部脉訣云寸芤積

血在胃中關內逢乳腸裏癰此癰在內所以致然所服者乃雲母膏為丸耳切脉至此可以言醫矣王仲言餘話薛已治一男子裏急後重下膿脹痛用排膿散蠟礬丸而愈後因勞寒熱體倦用補中益氣而安

一婦人小腸脹痛小便如淋此毒結于內先以神効瓜萸散二劑少愈更以薏苡仁湯而安

一婦人小腹脹痛而有塊脉芤而瀉此瘀血為患以四物加玄胡索紅花桃仁牛膝木香二劑血下而愈

一婦人小腹脹痛大便秘瀉轉側有水聲脉洪數以梅仁湯一劑下瘀血諸症悉退再以薏苡湯二劑而差

一婦人膿成脹痛小便不利脉洪數服太一膏三錢下膿

甚多脹痛頓止以瓜萸散蠟礬丸及托裏而安

一婦人產後惡露不止小腹作痛服瓜仁湯下瘀血而瘥凡瘀血停滯宜急治之緩則腐化為膿最為難治若流注關節則為敗症

江汝潔治一男子病小腸癰初起左小腹近脇下一塊如掌大甚疼江以蜂蜜調大黃末敷于痛處再以生薑一大塊切片置于大黃之上以火熨之四五度痛即止逾半月而塊自消

一人脇破腸出臭穢急以香油抹腸送入即不出又以人參枸杞子煎湯淋之皮自合喫猪腎粥十日愈

江應宿治汪止舍之內當臍結痛發熱惡寒脉洪數此腸

癰也投以仙方活命飲五香翹湯瓜蒞散俱不應過七日小便間有濃血乃製雲母膏為九十數服而愈可見藥之對病其驗如此

懸癰

穀道外腎之間所生癰毒名為懸癰醫書所不載世亦罕有之者初發唯覺痒甚狀如松子大漸如蓮實四十餘日後始赤腫如胡桃遂破若破則大小便皆自此去不治其藥用橫紋大甘草一兩截長三寸許取山獭東流水一大盃并水河水不可用以甘草蘸水文武火慢炙不可性急須用三時久水盡為度擘視甘草水中潤為透却以無灰酒兩碗煮俟至一半作一服溫飲之初未便効驗二十日始消未破者不破可保平雖再進無害興化守姚康朝正苦此癰衆醫拱手兩服而愈薛已治趙州守膿多作痛五月餘矣晡熱口乾盜汗食少



體倦氣短，脈浮數而無力，用補中益氣，加製甘草、五味、麥冬三十餘劑，食進勢緩。又以六味丸料五十餘劑，膿潰瘡斂，後因怒作痛，少食脇痛發熱，仍用煎湯而安，喜其稟實慎疾而得愈。

江應宿治族弟應楚，在燕京患懸癱，氣短效逆，面赤口期，期不能成語，素有痔漏，多服寒涼解毒，大傷中氣，脈浮數而無力，用補中益氣一服而效，逆定數劑而膿血潰五十餘劑而愈。

便癰

薛立齋治一儒者，年二十左，患便癰，用托裏藥潰而將愈，入房發熱作痛，右邊亦作膿，水清稀，虛證悉具，脈洪大，可畏，用十全大補加附子一錢，脈症頓退，繼用大補湯三十劑而斂。

一儒者腫痛便瀉，用八正散清肝火，導濕熱，二劑而腫痛愈，再用小柴胡加芎歸澤瀉山桅二劑，以清肝火，補脾血而小便利。

一男子腫痛不止，用活命飲一劑而痛止，再劑而腫消。  
一男子痛甚發熱，用前飲一劑痛止，再以神效瓜蒌散加山桅柴胡二劑而消。

一男子腫而不潰用參芪歸朮以補托元氣用白芷皂角刺柴胡甘草以排膿清肝數劑而潰復以八珍加柴胡補其氣血而愈

江應宿治一男子患便毒兩膝散間墳起焮赤大如鵝卵服敗毒散及消毒利藥不應過予求治投以知母貝母各五錢僵蠶川山甲俱各炒一錢大黃三錢作一服利下膿血從大便出痛腫減半再劑而已後治入皆驗大黃以強弱加減

下疳瘡

薛立齋治庚吉士劉華甫莖中作痛或出白津或小便秘瀉先用小柴胡加山梔澤瀉黃連木通膽草茯苓二劑以清肝火導濕熱諸症漸愈因勞倦忽寒熱用補中益氣湯治之而安又用六味丸以生肝血滋腎水諸症全愈

一儒者莖中作痒發熱倦怠外皮浮腫二年矣此肝腎陰虛用八珍加柴胡山梔及六味丸而愈有兼陰毛間生蟲作痒當以桃仁研爛塗之  
一人因勞而患焮痛寒熱體倦頭疼小便赤澀用補中益氣加車前山梔而消

一士人患下疳寒藥傷胃腐潰腫痛日晡熱甚口乾體倦  
食少欲嘔先用六君加柴胡升麻脾胃醒而諸症退更  
以補中益氣加炒黑山梔肝火退而腫痛痊

肩癰

丹溪治一人肩井後腫痛身熱且嗽其腫按之不堅此乃  
酒痰流結也遂用南星半夏瓜蒌葛根苓連竹瀝作煎  
飲之燒葱根爛腫上另用白芥子白礬作小丸用煎藥  
吞二十九須臾痰隨嗽出半日約去三四碗而愈  
薛已治一婦臥床十二年矣遇回祿益加憂鬱甲辰三月  
右肩下發一塊焮腫如甌中赤外白用涼藥一劑不解  
次用十宣散四劑加痛略紅迎徐醫視之連投參芪丁  
桂防風白芷之類膿潰徐云無患矣辭後眩暈嘔逆惡  
寒戰慄項陷膿清其夫檢外科發揮至發背門云若初  
起一頭如黍不腫不赤煩躁便秘四五日間生頭不計

類聚

卷十二

癰疽

其數瘡口各含一粟名曰蓮蓬發云云始駭為惡症治法雖詳不諳于行迎薛至診云辛涼解散氣血兩虛者忌之連投參芪歸朮地黃薑附太劑腫高膿稠兼雜烏金膏數日果腐落筋如脂膜者數片仍用前劑每服人參加至八錢日進二服踰二月平復

乳癰

天寶中有隴西李生自白衣調選桂州參軍既至任以熱病旬餘覺左乳痛不可忍及視之隆若癰腫之狀即召醫驗其脉醫者云臟腑無他若臆中有物以喙攻其乳乳痛而癰不可為也又旬餘病甚一日癰潰有一雉自左乳中突而飛出不知所止是夕李生卒宣室志

一婦形脉稍實性燥難於後姑乳生隱核以本草單味青皮湯間以加減四物湯加行經絡之劑治兩月而安

一後生作勞風寒夜熱左乳痛有核如掌脉細澁而數此陰滯於陽也詢之已得酒遂以瓜蒌子石膏乾葛台芎白芷蜂房生薑同研入酒服之四貼而安

時康祖為廣德宰事張主甚謹後授温倅左乳生癰繼又  
曾臆間結核大如拳堅如石荏苒半載百療莫効已而  
牽掣臂腋徹于肩痛楚特甚亟禱王祠下夢聞語曰若  
要安但用薑自然汁製香附服之覺呼其子檢本草視  
之二物治證相符訪醫者亦云有理遂用香附去毛薑  
汁浸一宿為末二錢米飲調方數服瘡膿流出腫硬漸  
消自是獲愈庚志

薛立齋治一儒者兩乳患腫服連翹飲加堅硬食少內熱  
曾脇作痛日晡頭痛小便赤濇此是三陰虛而兼鬱怒  
前藥復損脾肺先用六君加芎歸柴梔四十餘劑元氣  
復而自潰乃作痛惡寒此氣血虛也用十全大補六味

地黃而愈

封君袁陽涇左乳內結一核月餘赤腫此足三陰虛兼怒  
氣所致用八珍加柴梔丹皮四劑赤腫漸退內核漸消  
又用清肝解鬱湯而愈時當仲秋兩月連劑肝脉微弦  
此肝經火盛而風動也更加龍膽草五分并六味地黃  
丸而愈若用清熱敗毒化痰行氣鮮不誤者

一儒者兩脇作脹兩乳作痛服流氣飲瓜蒌散半載後左  
脇下結一塊如核肉色不變勞則寒熱此鬱結氣傷而  
為患虛而未能潰也八物加柴胡遠志貝母桔梗月餘  
色赤作痛膿將成矣又服月餘針之出膿碗許頓然作  
嘔此胃氣虛而有痰也令時啗生薑服六君子湯嘔止

加肉桂而瘡愈彼後出宰每傷勞怒曾乳仍痛并發寒熱服補中益氣加炒山梔愈

一婦人內熱脇脹兩乳不時作痛口內不時辛辣若卧而起急則臍下牽痛此帶脉爲患用小柴胡加青皮黃連山梔二劑而瘥

一婦人久鬱右乳內腫硬用八珍湯加遠志貝母柴胡青皮及隔蒜灸兼服神效瓜蔓散兩月餘而消

一婦人左乳內腫如桃不痛不赤發熱漸瘦用八珍加香附遠志青皮柴胡百餘劑又兼服神效瓜蔓散三十餘劑膿潰而愈

一婦人稟實性躁懷抱久鬱左乳內結一核按之微痛以

連翹飲子二十餘劑少退更以八珍加青皮香附桔梗貝母二十餘劑而消

一婦人發熱作渴至夜尤甚兩乳忽腫肝脈洪數乃熱入血室也用加味小柴胡湯熱止腫消

一婦人因怒左乳作痛發熱表散太過腫熱益甚用益氣養榮湯數劑熱止膿成不從用針腫脹熱渴針膿大泄仍以前湯月餘始愈此症若膿未成未破有薄皮剥起者用代針之劑其膿自出不若及成用針不致大潰若膿血未盡輒用生肌反助其邪慎之

一婦人膿清腫硬面黃食少內熱晡熱自汗盜汗月經不行此肝脾氣血俱虛用十全大補加遠志貝母及補中

益氣各三十餘劑外用葱熨患處諸症尋愈  
一婦人臃成脹痛欲針之不從數日始針出敗膿三四碗許虛證蜂起幾至危殆用大補兩日餘而安若元氣虛弱不作膿者用益氣養榮湯補之膿成即針若腫痛寒熱怠惰食少或至夜熱甚用補中益氣兼逍遙散補之為善

一產婦因乳少服藥通之致乳房腫脹發熱作渴以玉露散補之而愈夫乳汁乃氣血所化在上為乳在下為經若衝任之脉盛脾胃之氣壯則乳汁多而膿衰則淡而少所乳之子亦弱而多病又有屢產無乳或大便瀉滯乃亡津液也當滋化源

一婦人右乳內結三核年餘不消朝寒暮熱飲食不甘此乳巖以益氣養榮湯百餘劑血氣漸復更以木香餅熨之年餘而消

一婦人年二十有五素虛弱多鬱怒時疫後脾胃愈虛飲食愈少又值氣忿右乳脇下紅腫應內作痛用炒麥麩熨之腫雖少散內痛益甚轉側胸中如物懸墜遂與加減四物湯內腫如鵝卵外大如盤胃脇背心相引而痛夜熱勢甚時治者皆以攻毒為言薛云此病後脾弱而復怒傷肝治法惟主於健脾胃平肝火則腫自消而病自愈矣惠方以八物加陳皮黃芩柴胡山梔白芷服八劑病減六七去白芷加青皮木香桔梗又六劑而全愈

若用攻毒之劑病胡能瘳

一婦產後忽兩乳細小下垂過小腹痛甚名乳懸用芎歸各一斤內用半斤水煎餘用燒烟燻口臭二料乃効

*[Faint bleed-through text from the reverse side of the page]*

腹癰

未詳

呂滄洲治一小兒十二歲患內癰腹脹臍凸而頰銳醫欲刺臍出膿其母不許請呂視之見一僧擁爐熾炭燃銅筋一枚烈火中瞪目視翁曰此兒病癰發小腸苟舍刺臍無他法呂諭之曰臍神闕也針刺所當禁矧癰舍于內惟當以湯丸攻之苟如而口必殺是子矣僧怒趨而出呂投透膿散一匕明日膿自氣合潰繼以十奇湯下萬應膏丸而瘥

薛已治給事錢南郭腹內患癰已成而不見欲用托裏之藥發之彼用行氣破血以圖內消形體甚倦飲食益少患顛頤陷色黯堅硬按之不痛仍用大補之劑色赤腫

類聚卷十

四十六



起膿熟針之再用托裏腫潰漸愈而消

一男子腹內作痛腹外微腫或欲藥汗之薛曰肉色如故  
脈數無力此元氣虛損毒不能外發遂與參芪歸木之  
類數劑漸發于外又數劑膿成而欲針之彼惑于人言  
用大黃白芷川山甲之類引膿從便出以致水瀉不止  
患愈平陷自汗盜汗熱渴不食仍用前劑加半夏陳皮  
薑桂四劑形氣漸復又數劑針去其膿仍用補劑幸勿  
未婚故得痊也

鴻臚蘇龍溪小腹內腫脹作痛大小便秘結作瀉欲飲冷  
脈洪數而實用黃連解毒散一劑熱痛頓止二便調和  
用活命飲而愈

大司馬李梧山腹痛而勢已成用活命飲一劑痛頓退用  
托裏消毒散腫頓起此膿將成用托裏散補其元氣自  
潰而愈

錦衣掌堂劉廷器仲夏腹患癰潰而膿水清稀發熱作渴  
腹脹作嘔飲食不入諸醫以為熱毒內攻皆用芩連大  
黃之劑病加劇邀薛診投以參芪薑附等藥一劑嘔止  
食進而安再用托裏補劑而瘡愈

進士邊雲莊腹痛惡寒作濕痰食積治之益甚脈浮數薛  
曰浮數之脈更惡寒疽瘡之症也彼不信旬餘復請視  
之左尺洪數知內有膿矣仍不信至小腹腫脹連及兩  
脅始悟薛曰膿潰贅矣氣血俱虛何以收斂服活命飲

一鍾醫潰一孔出膿斗許氣息奄奄勢誠可畏用大補藥一劑神思方醒每去後糞從瘡出且出血甚多痛不可忍欲求死而不可得時小腹間若覺有物上柱即發瘰疬牙關緊不省人事發熱煩躁脉洪大舉按皆實省而診之脉仍洪大按之如無此氣血虛極以十全大補內用參芪至四斤餘加附子二枚而瘰疬止又用大補湯五十餘劑而瘡斂

囊癰

薛已治給事陸貞山腫赤脹痛小便澀滯寒熱作渴法當清肝火除濕毒遂用柴胡炒黑龍膽吳茱砂連當歸銀花角刺赤芍防風木通生草節一劑腫痛頓退三四少加防風木通川芎茯苓作飲下滋腎丸熱腫亦退但內見筋一條不消此當滋腎水養肝血用山茱山藥熟地丹皮澤瀉五味二劑其筋消矣復用補中益氣加茯苓送滋腎丸而愈

朱京兆患囊脹痛彼以為疝症夜診其脉數而滑曰此囊癰也膿已成服活命飲一劑黎明而膿潰更用補陰托裏而斂

一儒者考試不利，一夕飲燒酒而入房，不遂，至夜半寒熱煩渴，小便不利，翌早囊腫脹，焮痛，與除濕熱清肝火之劑，城暮閉不得歸，服翌早報云：夜來囊悉腐，玉莖下面貼囊者亦腐，如半邊筆帽。仍以前藥加參芪歸木四劑，腐肉盡脫，畢九懸掛，用大補氣血并參當歸膏囊卒愈，復而愈。

一男子醉後入房，囊腫大如斗，小腹脹悶，小便淋赤發熱，口渴，痰涎壅盛，命在須臾。此腎水虛弱，陰虧難降津液，濁敗用六味丸料加車前牛膝，作飲下滋腎丸，諸症頓退，再加五味麥冬二劑而愈，却以補中益氣加麥冬五味而愈。

腰疽

僉憲張碧崖腰患疽，醉而入房，脉洪數兩尺為甚，薛辭不治，將發舟，其子強留頃間吐臭血五六碗，此腎經虛火惡血妄行，必從齒縫出，將合肉桂等補腎制火之藥，各用罐另煎熟，聽用血止，拭齒視之果然，遂合一鍾冷服之，熱渴頓止，少頃溫服一鍾，脉息欲脫，氣息奄奄，得藥則脉少復良久，仍脫其子疑內有膿，欲針之，薛曰：必無也，乃以鵝翎管維內果無次，日脉脫脚冷，至膝腹內如冰，水急服六君加薑附，始溫膿始潰，瘡口將完，又患小便秘結，此因愛妾侍疾，思色以致精不出而內敗，華道然也，用加減八味丸料加參芪白朮一劑，小便雖通，瘡口

不斂而沒

一婦人暴怒腰腫一塊曾腫不利時或氣走作痛與方脈流氣飲數劑而止更以小柴胡對四物加香附貝母月餘而愈

腎腫

薛已治巡撫陳和峯脾胃不健常服消導之劑左腿股及腎患腫薛曰此脾虛下注非瘡毒也當用補中益氣白朮倍之彼惑于衆論云白朮潰膿仍主散腫消毒其腫益甚體益倦始悔前藥用白朮一味煎飲而消蓋白朮腐潰生肌之主藥也

一儒者左腎患之數貼涼藥腫徹內股服連翹消毒毒左體皆痛用補中益氣以補脾肺用六味丸加五味以補肝腎股內消而腎間潰又用十全大補而瘡口斂蓋此症原屬足三陰虛弱三陰者少陰腎太陰脾厥陰肝也膽者肝之府行人身之側故取不治本而治末未見其愈

也

一男子漫腫而色不變脈滑數而無力膿將成矣薛欲托裏而用針彼畏針而欲內消乃用攻伐之藥頓加發熱惡寒自汗用十全大補湯數劑腫起色赤針之仍以木補而愈

一人年三十脉如屋漏如雀啄腫硬色天膿水清稀此涼藥復損脾氣薛用六君子加歸芪附一錢二劑腫潰色赤後數劑附子五分元氣復而瘡愈

上舍患痔外敷寒涼內服消毒攻潰於臀膿水清稀脉洪大而數寒熱作渴薛辭不治果歿此三陰虧損之症

腿癰

腿腫附

薛已治地官李北川腿癰內外用敗毒寒涼因痛極刺出膿瘀方知為癰瘡口開張肉黯冷陷外無腫勢此陽氣虛寒不能少飲用豆豉餅六君加藿香砂仁炮薑飲食進而患更煖再以十全大補湯元氣復而瘡口愈

一男子腿腫一塊經年不消飲食少思強食作脹或作瀉肢體消瘦兩尺脉微細此命門火衰不能生土以致脾胃虛寒與八味丸飲食漸進腫患亦消

銀臺鄭敬齋腿患癰疽愈而不斂兩月矣時薛考績京師請治謂薛曰治者皆用十宣散之類云旬日可斂今未應何也面色痿黃脉浮大按之微細此脾氣虛弱也遂

用補中益氣加茯苓半夏壯其脾胃數日而瘡斂  
一男子腿患癰因服射伐虧損元氣不能成膿為之托裏  
而潰大補而斂但大便結燥用十全大補加麥冬五味  
而潤月餘仍結彼惑于人言自服潤腸丸而瀉不止用  
補中益氣送四神丸數服乃愈  
男子左腿腫痛肉色如故寒熱惡心飲食少思此脾氣  
不足而感外邪用六君加藿香桔梗川芎而寒熱止又  
用補中益氣而腫痛消外科樞要仍有餘症方法  
一男子遍身生瘡似疥非疥時或膿水淋漓兩腿為甚肢  
體倦怠作痒煩燥年餘不愈薛作腎經虛火用加減八  
味丸而痊

一男子腿內作痛用溼熱化痰藥痛連臂肉面赤吐痰脚  
跟發熱曰乃腎虛陰火上炎當滋化源不信服黃柏知  
母之類而歿

一男子腿患腫色不變痛不作真氣虛也以補中益氣加  
半夏茯苓為少用枳殼木香飲之以香附餅熨之彼謂  
氣無補法乃服流氣飲胃氣愈虛復求治以六君加芎  
歸數劑飲食少進再用補劑月餘而消夫真氣奪則虛  
邪氣勝則實今真氣既虛邪氣愈勝苟不用補法氣何  
由而行乎

脚跟瘡

薛立齋治大尹陳汝鄰兩腿酸軟足跟腫或赤或白或痛或痒後破而或如無皮或如皸裂日晡至夜脹痛熾熱用補中益氣加減八味丸而愈

一婦所患同前亦用前丸及逍遙散加熟地川芎百劑而愈

一男子足跟作痛熱渴體倦小便如淋誤用敗毒散致頭痛惡寒欲嘔不食咳嗽吐痰薛用十全大補湯加減八味丸各五十餘劑而愈

一男子足跟腫痛發熱體倦用補中益氣六味丸而差後勞後盜汗發熱遺精吐痰如湧仍服前藥而愈

一男子患前症乃服消毒散搽追蝕藥虛症疊出其形骨立自分死矣薛用十全大補加山茱山藥兩月餘而痊

江應宿曰足跟乃督脉發源之所腎經所過之地因飲食失節起居失宜元氣虧損足三陰所致若漫腫寒熱或體倦少食此脾虛下陷宜補中益氣若晡熱作痛頭目不清此屬脾虛陰火用前湯并六味丸若痰涎上升或口舌生瘡屬腎水乾涸用前湯并加減八味丸主之此皆虧損之症當滋其化源若治其外則誤矣

漏

時康祖大夫患心漏二十年當覺數竅血液長流醫皆莫能治或云竅多則愈損門則慮穴他歧當存其一二猶為上策坐此形神困瘁又積苦腰痛行則僂僕不飲酒雖雞魚蟹蛤之屬皆不入口淳熙間通判温州郡守韓子溫見而憐之為檢聖惠方載腰痛一門冷熱二症脈之使自擇康祖曰某年老久羸安敢以為熱始作寒症治療取一方用鹿茸者服之逾旬痛減更覺氣宇和暢遂一意專服悉屏他藥洎月餘腰虽復伸無復呼痛心漏亦愈以告醫者皆莫能測其所以然後九年康祖自鎮江通判蒞秩造朝訪子溫則精力倍昔飲啖無所忌

云漏愈之後日勝一日子溫書吏吳暉亦苦是疾照方服之浹旬而愈其方本治腰痛用鹿茸去毛酥炙微黃附子炮去皮臍皆二兩監花三分為末棗肉丸三十九空心酒下已志

天聖中工部尚書忠肅公家有媪病漏十餘年一日有醫過視之曰此可治也即取活鱉一竹針五七枚乃擗鱉于地鱉困屈盤就盤以竹針貫之覆瘡良久取視有白蟲數十如針著鱉即鈐置杯中蠕動如線後覆之又得十餘枚如是五六醫者曰蟲固未盡然餘皆小虫請以常用藥付之時得檳榔黃連二味即為散付之明白乃以乾艾作湯投白礬末二三錢先洗瘡口然後付藥



蓋人血氣冷必假艾力以佐陽而艾性亦能殺蟲也如是者再即生肌不逾月愈醫曰瘡一月不治則有蟲蟲能蠕動氣血亦隨之故瘡漏不可遷合則結毒實良所為又曰人每有疾經月不痊則必虛憊婦人則補脾血小兒則防驚疳二廣則并治瘡屬由此醫名大著良方有人脚肚上生一瘡久遂成漏經二年百藥不效月度必死一村人見之云此鱧漏耳但以石灰二三升白沸湯泡薰洗如覺瘡痒即是也如其言用灰湯淋洗果痒三兩次遂乾

一婦項下忽生一塊腫漸緣至妳上腫起莫知何病偶用刃刺破出清水一碗日久瘡不合有道人見之曰此蟻

漏耳緣用飯誤食蟻得此耳詢之果然道人云此易治但用穿山甲數片燒存性灰為末付瘡上遂愈蓋川山甲蟻之畏也

柳休祖者善卜筮某妻病鼠齧積年不差垂命休祖遂卜得頤之復按卦合得姓石人治之當獲鼠而愈也既而鄉里有奴姓石能治此病遂灸頭上三處覺佳俄有一鼠逕前而伏呼猫咋之視鼠頭上有三灸處妻遂差

記

顛撲損傷

葛可久善武藝一日見莫徕桑弓可久挽之而毅歸而下  
血亟命其子煎大黃四兩飲之其子惡多減其半不下  
問故其子以實對可名曰少耳亦無傷也來年當死今  
則未也再服二兩愈明年果卒

松陽縣民有被毆經縣驗傷翊日引驗了無癥痕宰怪而  
詰之乃仇家使人要歸飲以熱蒜油酒卧之火燒地覺  
而疼腫盡消吹劍續錄

丹溪治一老人墜馬腰痛不可轉側脉散大重取則弦小  
而長朱曰惡血雖有不可驅逐且補接為先用蘇木參  
芪芎歸陳皮甘草服半月脉散漸收食進以前藥調下

自然銅等藥一月愈

盧恒德治一人因勸開毆眉稜骨被打破得打傷風頭面  
發大腫發熱虞適見之以丸味羌活湯取汗外用杏仁  
搗爛入白麩少許新汲水調付瘡上腫消熱退而愈後  
累試累驗

一人因結屋墜梯折傷腰勢殊亟夢神授以乳香散其方  
用酒浸虎骨敗龜黃芪牛膝草薜續斷乳香七品覺而  
能記服之二旬愈已志

許元公入京師赴省試過橋墜馬在臂肉脫路人語其僕  
曰急與接入臼中若血漬白則難治矣僕用其說許已  
昏迷不覺痛遂僦舁歸邸或曰非錄事由馬騎不能

療此疾急召之至已入暮東燭視其面曰尚可治乃施藥封腫處至中夜方甦連日痛止去其封損處已白其青瘀乃移在印上自是日白易之腫直至肩背於是藥下之瀉黑血三升五日復常遂得赴試蓋用生地研如泥木香爲細末以地黃膏攤紙上搽木香末一層又再攤地黃貼腫上此正治打撲傷損及一切癰腫未破今內消云 類說

台州獄吏憫一囚將死頗憐顧之囚感語曰吾七犯死罪苦遭訊考坐是肺皆控損至於嘔血適得神方荷君庇拊之恩持此以報只白芨一味米飲調耳其後陵遲儻者剖其胃見肺竅間皆白芨填塞色猶不變洪貫聞其

說爲郢州長壽宰規之赴洋州任一卒忽苦嘔血勢絕危費用此救之一日卽止

一人腕折傷筋損疼痛不可忍或教宜用生龜尋捕一龜將殺患人夢龜告言勿相害吾有奇方可療用生地一斤切截瓜薑糟一斤生薑四兩切右都炒令均熱以布裹菴傷折處冷則易之 奇効本事方

長安石史君嘗至通衢有從後呼其姓第者曰吾無求于人念汝將有難故來救汝出一紙卷授石曰有難則用之乃治折傷內外損方書也明年因移朝坐馬爲他馬所蹄折足墜地又躡一臂折家人急合此藥且灌且裹至半夜痛止後手足皆堅全如未傷時方本出良方用

川歸鉛粉各半兩礪砂二錢同研細濃將蘇木汁調服  
一大匙揷在腰以上先食淡粥半碗然後服藥在腰以  
下卽先藥後食仍頻頻呷蘇木汁別作糯米粥入藥末  
拌和攤帛上或絹上封裹傷處如骨碎用竹木夾定乃  
以紙或衣物包之其妙如神

汀洲市氏陳氏事佛甚謹慶和初出行擗折一足痛楚念  
佛不置夜夢一僧拄杖持鉢告曰接骨膏可治此可取  
菘豆粉于新鐵鉢內炒令真紫色旋汲井水調成稀膏  
然後厚傳揷須教遍滿貼以白紙將板木縛定其效  
如神陳寤如方修治用之良愈

紹熙初湖口人林四日暮騎馬顛墜折一足骨斷經旬痛

甚偶士道人來視曰續筋接骨非敗龜殼不可林召衆  
醫議之皆云一足所傳多少龜殼灰可辦茲去五里許  
江畔有大龜身闊二尺常踞伏泥中捕而脫其殼燒灰  
傳揷計其收功賢于小者數倍也時屬昏暮未暇往  
捕半夜隣人張翁夢烏衣人來訪自通爲江畔老龜云  
林四折足醫欲殺吾取殼以療傷望一言救護張謝曰  
老夫何能爲力烏衣人云只煩丈人詣林氏諭衆醫曰  
往日曾有龜傳一方予人而贖命者用淹藏成糟菴斷  
麩次將杉木板夾縛定方書亦掌記載如便增赤小豆  
一味拌入糟中然後夾板不過三日卽十全安愈願翁  
告之後當圖報黎明張如所戒林與醫皆喜而從之果

崔給事頃在澤潞與李抱真判官李相方以毬杖按毬  
予其軍將以杖相格承勢不能止因傷李相拇指并爪  
甲裂裂過索金瘡藥裹之強坐頻索酒飲至數盃已過  
量而面色愈青忍痛不止有軍吏言取葱新拆者便入  
澆灰火煨熟剥皮擘開其中有涕取菴擗麩仍多煨取  
續續易熱者凡三易之面色却赤斯須云已不痛凡易  
十數度用熱葱并涕裹纏遂畢席笑語本事方

定州人崔務墜馬折足醫令取銅末服之遂痊平及亡後  
十餘年改葬視其脛骨折處有銅末束之朝野僉載  
宣和中有二國醫忽承快行宣押就一佛刹醫內人眼目

今便行鞭馬至則寂未有入須臾卧轎中扶下一內人  
快行送至奉旨取軍令狀限日下安痊醫診視之已昏  
死矣問其病人皆不知病之由良久有二三老內人至  
下轎環泣乃云因蹴蹴躑自空而下墜死醫者云打撲  
損傷自屬外科欲申明又恐後時參差不測再視之微  
覺有氣忽憶藥篋中有蘇合香丸急取半兩于火上焙  
去腦射酒半升研化灌之至三更方呻吟五更下惡血  
數升調理數日得痊予謂正當下蘇合香丸蓋從高墜  
下必挾驚悸血氣錯亂此藥非特逐去瘀血而又醒氣  
醫偶用之遂見功此藥居家不可闕如氣逆鬼邪殄殲  
傳尸心痛時疾之類皆治良方載甚詳

道人詹志求信州人初應募為卒隸鎮江馬軍二十一歲  
因冒騎墜馬右脛折為三段頓且絕軍師命昇歸營醫  
救鑿出敗骨數寸半年稍愈扶杖緩行骨空處骨皆再生  
獨脚筋攣縮不能伸既落軍籍淪于乞丐經三年遇  
朱道人亦舊在轅門問曰汝傷未復初何不求醫曰窮  
無一文豈堪辦此朱曰實不費一文但得大竹管長尺  
許鑽一竅繫以繩挂腰間每坐則置地上舉足搓衣之  
勿計時日又當有效如其言兩日便見骨髓寬暢故猛  
伸之與常日差遠不兩月筋悉舒與未墜時等予頃見  
丁子章以病足故作轉軸踏脚用之其理正同不若此  
為簡便 癸志

張七政荊州人也善治傷折有軍人損脛張飲以藥酒破  
肉去碎骨一片大如兩指塗膏封之數日如舊經二年  
脛忽痛張曰前為君所出骨寒則痛可遷覓也果獲于  
床下令以湯洗貯絮中愈

吳太醫治孫和寵夫人嘗醉舞如意誤傷鄧頰血流嬌悅  
彌苦命太醫合藥言得白獺髓雜玉與虎魄屑當滅此  
痕和以百金購得白獺乃合膏鹿魄太多及差痕不滅  
左頰有赤點如痣 酉陽雜俎

江少微治一商人被杖皮破血流以真麻油一斤熬滴水  
成珠入黃丹飛過再熬試軟硬加入鉛粉黃蠟收起攤  
膏藥貼患處血止腫消數日而愈

予因鑿銀損破小指腫大灌濃亦以前膏貼上痛止腫消  
不復有濃三日一換三換而愈

游讓溪翁云被廷杖時太醫用粗紙以燒酒貼患處手拍  
血消復易之又用熱豆腐鋪在紫色處其氣如蒸其腐  
紫色即換須待紫色散後轉紅為度則易愈矣

### 死枕愈病

齊書曰徐嗣伯常有偃患滯冷積年不差嗣伯診之曰尸  
注也當得死人枕煮服之乃愈于是往古塚中取枕枕  
已一邊腐爛服之即愈秣陵人張景年十五脹腹面黃  
群醫莫能治以問嗣伯此石虺耳極難療當得死人枕  
煮服之依語取枕以湯投之得大利并虺虫頭堅如石  
者五升病差後沈僧翼患眼痛又見多鬼物以問嗣伯  
嗣伯曰邪氣入肝可覓死人枕煮服之服竟可埋枕于  
故處如其言又愈王晏問之曰三病不同而用死人枕  
俱差何也曰尸注者鬼氣伏而未起故令人沈滯得死  
人枕促之魂氣飛越不得復附體故尸注可差石虺者

久就也醫療既瘳虺虫轉堅世間藥不能遣所以須鬼  
物驅之然後可散故令用此也夫邪氣入肝故使眼痛  
而見𧈧𧈧應須邪物以鈞之故用此氣因枕去故復埋  
于塚間也

尸蹩

鍼驗附

趙簡子疾五日不知人大夫皆懼於是召扁鵲扁鵲入視  
病出董安子問扁鵲扁鵲曰血脉治也而何怪昔秦穆  
公嘗如此七日而寤寤之日告公孫支與子與曰我之  
帝所甚樂吾所以久者適有所學也帝告我晉國且大  
亂五世不安其後將霸未老而死霸者之子且冷而國  
男女無別公孫支書而藏之秦策於是出夫獻公之亂  
文公之霸而襄公敗秦師於殽而歸縱淫此子之所聞  
今主君之病與之同不出三日必間間必有言也居二  
日半簡子寤語諸大夫曰我之帝所甚樂與百神遊於  
鈞天廣樂九奏萬舞不類三代之樂其聲動心有一熊



欲援我帝命我射之中熊熊死有熊來我又射之中熊  
 熊死帝甚喜賜我一箭皆有副吾見兒在帝側帝屬我  
 一翟犬曰及而子壯也以賜之帝告我晉國且世衰七  
 世而亡羸姓將大敗周人於范魁之西而亦不能有也  
 董安子受言書而藏之以扁鵲言告簡子簡子賜扁鵲  
 田四萬畝史記

扁鵲過魏魏太子死扁鵲至魏宮門下問中庶子喜方者  
 曰太子何病國中治穰過於衆事中庶子曰太子病血  
 氣不時交錯而不得泄暴發於外則爲中害精神不能  
 止邪氣邪氣蓄積而不得泄是以陽緩而陰急故暴蹙  
 而死扁鵲曰其死何如時曰鷄鳴至今曰收乎曰未也

其死未能半日也言臣齊勃海秦越人也家在於鄭未  
 嘗得望精光侍謁於前也聞太子不幸而死臣能生之  
 中庶子曰先生得無誕之乎何以言太子可生也臣聞  
 上古之時醫有俞跗治病不以湯液醴灑鑽石搗引案  
 抗毒熨一撥見病之應因五藏之輸乃割皮解肌訣脉  
 結筋搦髓腦樑荒爪幕前流腸胃激滌五藏練精易形  
 先生之方能若是則太子可生也不能若是而欲生之  
 魯不可以告咳嬰兒終日扁鵲仰天歎曰夫子之爲方  
 若以管窺天以郄視文越人之爲方也不待切脉望色  
 聽聲寫形言病之所在聞病之陽論得其陰聞病之陰  
 論得其陽病應見於大表不出千里決者至衆不可曲

止也子以吾言為不誠試入診太子當聞其耳鳴而鼻  
張循其兩股以至於陰當尚溫也中庶子聞扁鵲之言  
目眩然而不暎舌橋然而不下乃以扁鵲言入報魏君  
魏君聞之大驚出見扁鵲於中闕曰竊聞高義之日久  
矣然未嘗得拜謁於前也先生過小國幸而舉之偏國  
寡人幸甚有先生則活無先生則棄損填溝壑長然而  
不得反言未卒因噓唏服臆魂精泄橫流涕長漉忽忽  
承挾悲不能自止容貌變更扁鵲曰若太子病所謂尸  
蹙者也夫以陽入陰中動胃纏緣中經維絡別下於三  
焦膀胱是以陽脉下遂陰脉上爭會氣閉而不通陰上  
而陽內行下內鼓而不起上外絕而不為使上有絕陽

之絡下有破陰之紐破陰絕陽之色已發脉亂故形靜  
如死狀太子未死也夫以陽入陰支蘭藏者生以陰入  
陽支蘭藏者死凡此數事皆五藏蹙中之時暴作也良  
工取之拙者疑殆扁鵲乃使弟子陽厲鍼砭石以取外  
三陽五會五會謂百會會會  
聽會氣會膈會也有間太子蘇乃使子豹為  
五分之熨以八減之齋和莫之以更熨兩脇下太子起  
坐更適陰陽但服湯二旬而復故故天下盡以扁鵲能  
生死人扁鵲曰越人非能生死人也此自當生者越人  
能使之起耳史記

故濟北王阿母自言足熱而懣臣意告曰熱蹙也則刺足  
心各三所案之無出血病旋已病得飲酒大醉史記

蓄川王病召臣意診脉曰蹇上蹇逆氣上也為重頭痛身熱使人煩滿臣意即以寒水拊其頭刺足陽明脉左右各三所病旋已病得之沐髮未乾而卧診如前所以蹇頭熱至肩史記

程約字孟博婺源人世攻醫精針法同邑馬荀仲自許齊名約不然也太守韓瑗嘗有疾馬為右脇下鍼之半而針折馬失色曰是非程孟博不可約至乃為左脇下一針須臾而折針出疾亦愈由是優劣始定

張濟無為軍人善用針得訣于異人能觀解人面視其經絡則無不精因歲饑疫人相食凡視一百七十人以行針無不立驗如孕婦因仆地而腹偏左針右手指而正

久患脫肛針頂心而愈傷寒反胃嘔逆累日食不下針眼皆立能食皆古今方書不著

郭玉者廣漢雒人也和帝時治中貴人時或不愈帝乃令貴人羸服變處一針即差召問其狀玉白醫者意也腠理至微隨氣用巧針石之間毫芒即乖神存于心手之際可解而不可言也夫尊貴者處尊高以臨臣臣懷怖懼以承之其為療也有四難焉自任意而不用臣一也將身不謹二也骨節不彊不能使藥三也好逸惡勞四也針有分寸時或有破漏重以恐懼之心加以裁慎之志臣意且猶不盡何有于病哉此所以不愈也帝稱善

督郵徐毅得病華佗往省之徐謂佗曰昨使醫曹吏劉祖  
鍼胃管訖便苦咳嗽謂何佗曰此誤中肝也五日當不  
救果然

魏時有句驪客善用鍼取寸髮斬為十餘段以鍼貫取之  
言髮中虛也其妙如此 酉陽雜俎

*[Faint bleed-through text from the reverse side of the page]*

色診

扁鵲過齊齊桓侯客之入朝見曰君有疾在腠理不治將  
深桓侯曰寡人無疾扁鵲出桓侯謂左右曰醫之好利  
也欲以不疾者為功後五日扁鵲復見曰君有疾在血  
脈不治恐深桓侯曰寡人無疾扁鵲出桓侯不悅後五  
日扁鵲復見曰君有疾在腸胃間不治將深桓侯不應  
扁鵲出桓侯不悅後五日扁鵲復見望見桓侯而退走  
桓侯使人問其故扁鵲曰疾之居腠理也湯熨之所及  
也在血脈鍼石之所及也其疾在腸胃酒醪之所及也  
其在骨髓雖司命無奈之何今在骨髓臣是以無請也  
後五日桓侯體病使人召扁鵲扁鵲已逃去桓侯遂死

使聖人預知微能使良醫得早從事則疾可已身可活也人之所病病疾多而醫之所病病道少所病猶療病也故病有六不治驕恣不論於理一不治也輕身重財二不治也衣食不能適三不治也陰陽并藏氣不定四不治也形羸不能服藥五不治也信巫不信醫六不治也有此一者則重難治也扁鵲名聞天下過邯鄲聞貴婦人卽爲帶下醫過雒陽聞周人愛老人卽爲耳自痺醫來入咸陽聞秦人愛小兒卽爲小兒醫隨俗爲變秦太醫令李醯自知伎不如扁鵲也使人刺殺之至今天下言脉者由扁鵲也史記

扁鵲見秦武王示之病扁鵲請除左右曰君之病在耳之

前目之下除之未必已矣將使耳不聰目不明扁鵲怒而投石曰君與知之者謀之而與不知者敗之國策

東坡曰士大夫多秘所患以驗醫能否使索病於冥漠之中吾平生求醫必盡告以所患然後診之故雖中醫治吾疾常愈吾求疾愈而已豈以困醫爲事哉

宿按望而知之謂之神望見顏色而知其病者上也經曰大肉已脫九候雖調猶死予見儒生汪巽山善風鑑斷人生死禍福無不奇中家貧不肯以術自售予素慕其爲入一日患嘔血召予診視叩其占五臟生死法汪曰脾之死色唇之四白青如馬牙紅唇上起黑斑譬如木朽而生菌耳死期在半年語未畢嘔

孟數口予視其色正合死脾之色果如期而逝惜乎未竟其說後遍訪未聞相術有如汪君者

*[Faint bleed-through text from the reverse side of the page]*

**徽瘡**

附結毒漏爛

邵文泉僕者患楊梅瘡遍體疼痛遇友人傳示一方用胡黃連五錢銀柴胡人參當歸牛膝各一錢甘草五分作三服每服加土茯苓猪肉各四兩水煎服痛止其瘡亦漸愈

任栢峯傳沈狀元所得二苓化毒湯白茯苓土茯苓金銀花各八兩當歸尾四兩紫草二兩甘草節五錢分作十服水酒各半煎服任云屢試之輒效

程魯齋傳徽瘡用苦參三錢牙皂二錢紅苓五分當歸二錢五分土茯苓四兩水酒各半煎服

李心田傳授治徽瘡用防已苦參各一錢五分水酒煎服

蔡上舍春樓云曾一人患黧瘡取枳子黃熟時採陰乾扎碎連皮蒂炒黑存性為細末每服二三錢無灰酒調下愈

潘養源曾傳一單方治黧瘡殊驗取兔耳草不拘多少搗取汁一碗對頭生酒一碗露一宿熱服熱水洗浴透氣被菴取汗透次取蛇夢草六瓣者搓二九塞鼻孔另搓一大丸不住手搓待倦卧去技去鼻中塞藥不過一二次全愈

江應宿治蒼頭患黧瘡在下部用銅綠杏仁去皮焙熟研如泥塗瘡上乾加醋點又一人用蝦蟆子即科斗取入磁餅內化為化點效一用杏仁膽礬輕粉研如泥搽三

方俱效

江會川云家僮患黧瘡結毒一屢年腫塊遍體得方士煮酒藥服之愈當歸牛膝各一錢杜仲川芎各二錢真桑寄生地黃金銀花各一兩土茯苓四兩取頭生酒十五斤入藥懸胎煮三炷香置泥地上三日後任服

陳螢窓患黧漏用爐甘服以黃連水淬七日水銀各三錢大楓子油三錢肉須用六錢草麻子油二錢肉三錢二物各研如泥用白抽油四兩入銅鍋熬化先入爐甘石水銀煎數沸再大楓草麻煎數沸以真韶粉六錢收之油紙攤貼患處先以葱椒水洗淨貼藥再不可洗任其臭穢三日一換以好為度

江應宿傳授慈谿羅伯成黃華酒治黴瘡頑癬疥癩不拘  
遠近曾在初門治一商販患癬遍身如癩服此酒一料  
全愈方用烏梢蛇酒浸去頭尾皮骨取淨肉一兩木香  
人參川烏川芎白芷花粉麻黃防風天麻硃砂當歸金  
銀花各二錢白茯苓僵蠶白蘇皮連翹蒼朮荊芥獨活  
羌活各二錢沈香一錢皂角刺川革辭各五錢兩頭尖  
一錢射香二分核桃肉小紅棗各四兩好頭生酒十五  
斤燒酒五斤以綃袋盛入坛懸胎煮三炷香取出置泥  
地過七日服之另熬蒼朮膏每服加一匕後以治諸頑  
癬瘡疥積年不愈者俱效

程文彬治一人楊梅結毒十餘年蜀中傳一方云輕粉毒

必須仍以輕粉引出其毒真輕粉四分半硃砂一分二  
厘雄黃八厘三味爲細末煉蜜爲丸金箔爲衣分作九  
丸每日三丸作三次服三日服盡一日鮮魚湯送下二  
日羊肉湯送下三日鮮雞湯送下至四日牙腫遍身作  
脹肚中作瀉至十日其毒盡出再服蕭芫肉桂茯苓甘  
草當歸麥門冬五味數服果獲全愈永不復發



名醫類案卷之十終

年有說... 人年... 如... 日... 大... 血... 其... 四...

